

206

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure, Physical  
Planning, Construction and Environmental Protection

Broj: 05/09-04-24273-48/26  
Sarajevo, 11.06.2026. godine

## SKUPŠTINA KANTONA SARAJEVO

- OVDJE -

**PREDMET:** Odgovor na zastupničku inicijativu zastupnice Danijele Kristić, dostavlja se

Veza Vaš akt br.: 01-04-24273-48/25 od 25.05.2026. godine.

Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je predmetni akt KJKP „PARK“ d.o.o. Sarajevo, broj: P-05-P-2945-1 od 03.06.2026. godine, odgovor na zastupničku inicijativu, kojeg Vam dostavljamo na nadležno postupanje sa prilogom.

Zastupnica Danijela Kristić je na 30 (tridesetj) radnoj sjednici Skupštine Kantona Sarajevo, u okviru tačke Dnevnog reda “Poslanička/zastupnička pitanja, inicijative i odgovori”, a u skladu sa čl. 212. stav (2) Poslovnika Skupštine Kantona Sarajevo uputila zastupničku inicijativu koju je dostavila u pisanoj formi i tražila da se u skladu sa odredbama Poslovnika Skupštine Kantona Sarajevo, odgovor dostavi u pisanom obliku.

## ODGOVOR

Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je predmetni akt KJKP „PARK“ d.o.o. Sarajevo, broj: P-05-P-2945-1 od 03.06.2026. godine, kojeg Vam u prilogu dostavljamo kao odgovor na zastupničku inicijativu.

S poštovanjem,



**PO OVLAŠTENJU MINISTRA**  
**sekretar Ministarstva**

**Vildana Smajovic**

Dostaviti:

1. Skupština Kantona Sarajevo;
2. Stručna služba Vlade KS - na znanje;
3. Dice za koordinaciju izrade odgovora na poslanička/zastupnička pitanja i inicijative - na znanje;
4. Evidencija;
5. Arhiva.



Adresa: Reisa Džemaludina Čauševića 1. 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)



PREMIJNO: 05-06-2026		Broj priloga:	
Općina: 05	Klasifikacija: 04	24273-136	

08-06-2026

09  
KJKP "PARK" d.o.o. Sarajevo  
Patriotske lige br. 58,  
71 000 Sarajevo  
Bosna i Hercegovina  
ID broj: 4200258320003  
PDV broj: 200258320003

5570

11.06.26

Broj:P-05-P-19-2945-1  
Datum: 03.06.2026.

Bosna i Hercegovina  
Federacija Bosne i Hercegovine  
Kanton Sarajevo  
Ministarstvo komunalne privrede,  
infrastrukture, prostornog uređenja,  
građenja i zaštite okoliša KS  
ul. Reisa Džemaludina Čauševića 1  
71 000 Sarajevo

PREDMET: Odgovor na zastupničku inicijativu zastupnice Danijele Kristić

Poštovani,

Skupština KS dostavila je dana 01.06.2026.godine putem protokola preduzeću Park inicijativu zastupnice Danijele Kristić br. 01-04-24273-48/26, podnesenu na 30. redovnoj sjednici Skupštine KS. U dijelu koji se odnosi na nadležnost preduzeća Park razmotrili smo zastupničku inicijativu koja se odnosi na unapređenje sigurnosti pješaka u naselju Donji Hotonj, Općina Vogošća, na lokalitetu zatvorenog nadvožnjaka uz magistralnu saobraćajnicu M-18, te dostavljamo sljedeći odgovor:

- Prije svega želimo istaći da KJKP „Park“ d.o.o.Sarajevo u potpunosti podržava svaku aktivnost usmjerenu na unapređenje bezbjednosti svih učesnika u saobraćaju, posebno djece, starijih osoba i drugih ranjivih kategorija stanovništva. Međutim, potrebno je pojasniti da površine koje se nalaze u putnom pojasu magistralne saobraćajnice M-18, uključujući vegetaciju uz predmetnu dionicu puta u Donjem Hotonju, nisu obuhvaćene Programom održavanja javnih zelenih površina koji realizuje preduzeće Park. Samim tim, predmetna lokacija ne nalazi se u nadležnosti našeg preduzeća niti je uključena u redovne planove i programe održavanja koje finansira i odobrava Osnivač. Radi poređenja, ističemo da se slična površina uz pasarelu na lokalitetu Kobilja Glava nalazi u Programu održavanja preduzeća Park, zbog čega naše ekipe na toj lokaciji redovno vrše poslove košenja, uklanjanja samonikle vegetacije, te reduciranja rastinja koje bi moglo uticati na preglednost i sigurnost građana.
- KJKP „Park“ d.o.o.Sarajevo tokom proteklog perioda, zajedno sa resornim ministarstvom i drugim komunalnim preduzećima u Kantona Sarajevo i jedinicama lokalne samouprave, učestvovalo u obimnoj vanrednoj akciji čišćenja i uređenja površina obraslih vegetacijom koje nisu obuhvaćene Programom redovnog održavanja. Akcija je realizovana na području svih općina Kantona Sarajevo, uključujući i područje Općine Vogošća, a obuhvatila je lokacije koje su prethodno kandidovale mjesne zajednice i predstavnici lokalne samouprave. Cilj ove aktivnosti bio je unapređenje komunalne čistoće, povećanje sigurnosti građana, poboljšanje vizuelnog izgleda prostora, te uređenje površina koje zbog statusa vlasništva ili drugih okolnosti nisu predmet redovnog održavanja. Sve dostavljene i usaglašene lokacije uređene su u skladu sa raspoloživim kapacitetima i planom realizacije akcije. Međutim, predmetna lokacija u Donjem Hotonju nije se nalazila među prijavljenim lokacijama koje su predstavnici Mjesne zajednice ili Općine Vogošća kandidovali za vanredno uređenje. Zbog toga preduzeće Park nije imalo osnov za planiranje niti realizaciju radova na navedenoj površini. Inače, preduzeće Park nije ovlašteno samostalno ulaziti na zemljište koje nije obuhvaćeno Programom održavanja, odnosno nije dato u nadležnost, niti izvoditi radove bez zahtjeva, saglasnosti ili naloga nadležnog organa, vlasnika zemljišta ili

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d. 3386902212020028;  
Turkish Ziraat bank Bosnia d.d. Sarajevo  
1860001022085047

naručioca usluge. Takvo postupanje bilo bi suprotno principima upravljanja javnim sredstvima i definisanim nadležnostima javnih preduzeća.

- Ukoliko Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, kao predstavnik Osnivača ili Općina Vogošća kao vlasnik odnosno upravljač predmetne površine, iskažu potrebu za angažmanom našeg preduzeća i upute odgovarajući zahtjev, preduzeće Park spremno je u najkraćem mogućem roku realizovati potrebne aktivnosti iz svoje djelatnosti, uključujući uklanjanje i redukciju vegetacije koja eventualno utiče na preglednost saobraćajne signalizacije i sigurnost pješaka.

Koristimo priliku da istaknemo kako upravo ovakve situacije potvrđuju potrebu za sistemskim proširenjem obuhvata javnih zelenih površina koje održava KJKP „Park“ d.o.o. Sarajevo. Naime, preduzeće Park trenutno održava 3,4 miliona m<sup>2</sup> javnih zelenih površina, dok se na području Kantona Sarajevo nalazi oko 8. miliona m<sup>2</sup> zelenih površina različitog karaktera. Značajan broj tih površina nema organizovano i kontinuirano održavanje, što povremeno dovodi do problema u pogledu komunalne čistoće, preglednosti, sigurnosti i ukupnog kvaliteta životnog prostora. Preduzeće Park već duži niz godina zagovara povećanje obuhvata površina uključenih u redovno održavanje, kao i osiguravanje dodatnih budžetskih sredstava za tu namjenu. Takav pristup omogućio bi jednak tretman svih javnih zelenih površina na području Kantona Sarajevo, viši nivo zaštite komunalne čistoće, bolje uslove za kvalitetniji i ugodniji životni ambijent svih građana. KJKP „Park“ d.o.o. Sarajevo ostaje na raspolaganju svim nadležnim institucijama za saradnju i realizaciju aktivnosti koje doprinose sigurnosti građana, zaštiti javnog prostora i unapređenju ukupnog komunalnog standarda na području Kantona Sarajevo.

S poštovanjem,

Akt izradila: Aldijana Hamza

Direktor KJKP „Park“ d.o.o. Sarajevo



Dostavljeno:

- Naslovu
- Direktor
- Stručnom saradniku za informisanje
- a/a